



9





FOETUS EXILII SEXTUS

Continens

**MELETEMATA**

Partim nova: partim in adolescentia facta;  
nunc obiter revisa, aut resecta:

ADOLESCENTIBUS

ORTU, INDOLE, SPE,

NOBILISSIMIS

CHRISTIANO BÖRSTEL,

*Nobilissimi & Magnifici Viri*

Dn. HENRICI BÖRSTL.

*Illustrissimi Principis ac Domini,*

Dn. CHRISTIANI Senioris, PRIN-

CIPIS ANHALDINI, COM: ASCAN:

DN. SERV. ET BERNBURGI, Præsidentis &

Consiliarij intimi, Hæreditarij in GÜSTEN

& PLÖTZGAU: FILIO,

NEC NON

BURCARDO AB ERLACH.

*Nobilissimi & Fortissimi Viri,*

Dn. BURCARDI AB ERLACH: Equi-

tis: PRINCIPIS modò LAUDATISS: Consilia-

rij, & Aulæ Mareschalli, Hæreditarij in Altenburg, &c.

FILIO, Discipulo carissimo;

DICATUS

Ab Andrea Rörelio olim Ecclesiæ Pöllingensis in Palat:

Super: ministro, nunc Exule. P. C.

*Cothenis Anhaltinorum. M. DC. XXVIII*

*Ad Nobiliss: summae spei ac indolis adolescentes*  
CHRISTIANUM BÖRSTL,  
BURCARDUM JUNIOR: AB ERLACH.  
ἠγοσφώνησις:

Quot CRASSIS memini doctas sordere Camenas,  
Hac quibus obruimur quam prius arma forent!  
Nunc arc emuncti, consumptis edibus igne,  
Incisâ fastûs luxuriâq; basi,  
Prædonum in lustris meditantur damna vianti,  
Vel castris satagunt quæverere adempta sibi,  
Aut operando manu victum venantur, amictumq;  
Hoc olim insueti ferre laboris opus,  
Ne meritò! In dominum recidit contemptus is ipse,  
Vergit in AONIAS qui sine jure DEAS;  
Quarum cultori gemmis & prævalet auro,  
Census, & ex illis ritè perennat honos.  
MARS furat immanè, tremat orbis mixtus OLYMPO!  
Excipiet Mystas PALLAS honora suos.  
Hoc, ne fortuna stupeatis tela maligna,  
Roborat invictâ vos ratione catos.  
Non ego divitias, non innuo frugis acervos,  
Vos DEUS, & vestros queis benedixit agros;  
Haud succiplenos generosi corporis artus,  
Qui vigor indultu NUMINIS ossa fovet;  
Non disciplina Methodum, sumptuq; profundos,  
Stemmata Nobilium non atavita patrum;  
(Qualia contingunt etiam Diademata pravis,  
Indignis etiam participata viris!)  
Sed magis ingenij Genium, Morumq; Salillum  
Miror, & illustres indolis igniculos.

Suc-



Hinc mihi propitijs opus est Magnatibus, & Dijs,  
 Ærumnas callent qui relevare meas.  
 Conatum, vitio quis duxerit ergo, merendi?  
 Procedat licito dummodò vena modo.  
 Offero quocirca submissæ mentis opellam,  
 Offero constantem cum probitate fidem:  
 Me fore polliceor curâ meliore ministrum,  
 In studio & stadio qui pietatis eam.  
 Functio suggestûs si quæ vacat, optime PRINCEPS,  
 Vel Rectura Scholæ, præfice Rœrelium.  
 Quid juvat illustri MUSAS coluisse LYCEO,  
 Cognita ni liceat tradere fruge pijs?  
 Te penès ambiguae felix promotio sortis,  
 Legibus assensus statq; labatq; tuis.  
 Suspice virtutis niveo sub pectore amorem,  
 Suspice conjunctam cum pietate fidem.  
 Annue, nec tristem sine me sperare repulsam;  
 Desinet in laudes mens calamusq; tuas.  
 Pro te supplicuis superos onerabo libellis,  
 Dum pennis æther finditur, unda rate.

*ALII, & hic ἀναστροφή: in dedicat: Carm.*

**Q**uum vacat, atq; placet, PRINCEPS generose, Poëma  
 Hoc lege, contextum simpliciore stylo.  
 Mentis opus lætæ sunt carmina terfa; sed isthæc  
 Culta parùm! Ratio, sentio læta parùm.  
 Hic intertextas gemmas, vice muneris, auro,  
 Insignem phaleris offerat alter equum:  
 Talia Rœrelio DEUS, & Natura negavit,  
 Assueto rhythmos neçtere posse leves:  
 His ego, muneribus tanquam, (levidensibus etfi)  
 Conor Principibus gratior esse Viris.

Mi

Mi cūm fortunæ spirâre amicior aura,  
Spondeo PHOEBEA lampade clara magis.

Illustris: Dn. CHRISTOPHORO BURGGRAVIO,  
Et BARONI de DHONA, Dynastæ in STOCKENFELS  
& FISCHBACH, &c. Præfecturam Neoburgicam  
(ad Gabretam in Palat: Sup:) aggredienti.

DISCUFFIS tandem (Regum hæc est gratia Regis)  
LUCIFER affulsit tenebris. Ciet incola tractus  
Ennea pyrgensis resonanti jubila voce.  
Scilicet Antistes THEMIDOS, pietatis asylum,  
Nobilitatis honos, regum cynosura ducumq;  
(Quos tibi non titulos livor, non auferet hostis)  
Jussus ades policis, polico mandante senatu,  
Archivis, nostræ lampas Titania-Zonæ,  
Proclamat sanè merito se jure beatam  
Urbs indepta Ducem potatum Thespidos undis!  
Tempus erat mitti. Cassos pastore nociva  
Cernimus agnellos sectari devia, nec non  
Impete præcipiti fauces saturare lupinas:  
Par ratio vulgi, cui ne sapientior ore  
Mica sedet; removeto duces, obtusa subinde  
Collutulat spurco vitiorum pectora coeno.  
Sacri languet amor cultus: viduata patrono  
Jura gemunt: Legum gliscit violatio: nauci  
Penditur adfluctus probitas extrusa marinos:  
Jurgia, furta, doli, levitas, perjuriam, lites,  
Involitant denso perversas agmine mentes.  
Exere connato Generose Dynasta vigore  
Percitus impositum, præstò seges, afflua, sceptrum  
Astrica successum præbebit Curia; donec

Centupla subjiciat fidei stipendia fidæ:  
Quippe nequit falli sacris promissio libris,  
Quid multis? potius calidum quin suggero votum?  
Præfidis *alma Trias* sacrosancto perfice mentem  
Flamine, qui studio tibi sese mancipat uni:  
Cœptaq; progressu nuper dignare secundo:  
Discute quæ glomerat nocuas vis hostica technas;  
Machina telluris, trutinat quos pectore, fructus  
Quò metat, ætheream vivaxq; redundet in aulam  
Gloria, quæ morum cluet unica norma piorum,  
Hæc ubi lecta seies illustri Musa BARONI,  
Poplite curvato grates persolvito nostro  
Nomine, responsi non immemor. Ito, redito.

Illustri Dn. JOH: GEORGIO LIB: BAR:  
in Eck & Hungersbach, &c.

**G**Loria Coeligenæ virtutis dicitur umbra;  
Invitos etiam concomitata viros.  
Umbra præit veluti partim, partimq; sequestrat;  
Procedit pariles gloria adepta pedes.  
Exponit partim, partim velamine vultum  
Obnubit: major, sera sit illa licet.  
DEMOCRITI furor insanos dum nutriit artus,  
Innumera ACTÆUS sensit iniqua senex,  
Respuit ignotum bellatrix ROMA CATONEM,  
Occidit ut primùm, plena dolore gemit.  
Incluta RUTILII pietas probitasq; lateret,  
Ni foret infauftis exagitata malis:  
Exilium placido vultu perpeffus acerbum est,  
Causa voluptatum fors fluibunda fuit.  
Nescia velari virtus, latuisse recusat,  
Ignea nam radios spargit ubiq; suos. Præ-



Præsentis pressam turpi feritate popelli  
Extollet viridi postera laude dies,  
Est miser, & paucis natus præsentia curans;  
Bestia quò figit, figit & ille gradus.  
Venturis confide, regit præsentia livor;  
Spem ventura, decus, judiciumq; ferent.  
Vise BRAO nitidis speciosæ Eneomia ocellis  
Virtutis, vero cujus amore cales.

JOANNES GEORGIUS CZIGAN BARO.

Z. in S. per anagram: Canebo in sinu gregis: agas, oro.

**O**rdine sancitum naturæ est, CROESUS ut IRO  
Imperitet; famulus jussa capebat heri:  
Munificus contra CROESUS compareat IRO;  
Subditus excipiat sceptrâ gerentis opem.  
Iri commissum quoniam mihi judico vulgus;  
Norma gubernandi quæ rata, nôsse juvat.  
Scilicet eximiâ pietate fideq; decorus,  
Prosequar infontes munere, eade malos.  
Eripiam, si quem fortuna sinistra fatigat;  
Haud patiar luxu plebs ut inerte fluat.  
*In gregis hinc canebo sinu, tanquamq; puellus*  
Mollibus in eunis illibi tutus agam.  
Est ita celse BARO; nec lex humana retractat:  
*Oro, velut fatus, numine jutus, agas.*  
Turba sequax CHRISTI quò gestiat; astraq; migres  
Serus; gemma solo, stella corusca Polo.

JOAC(H)IMUS COCHTITSKI. K. in C. ana-  
gram: Mitis cor, hóc vici, ac stabo.

**A**rrisit pia mititas  
Hinc à præteneris unguiculis mihi. Ultrâ

Ultrà, odi, rigidos, modum,  
Quorum pectoribus livor inhæsitat.  
Ad GANTEM CATO stoicè!  
TIMON sub Scythica rupe senescito!  
*Mitis cor* ego scilicet:  
Moerentes rosido melle refrigero.  
*Hoc*, plaustella malignuli  
In me cum jaculati vaga criminum,  
VICI prævalidè; aucupem  
Delusi improvidum sicut & alites:  
*Ac stabo*, bona nomina  
Mordaci laceret dente malignior,  
Vel famæ maculam meæ  
Si præsumpserit haud cautus inurere,  
Hinc terris honor inclutus,  
Gliscet mi superis gloria celsior.

ANDREAS COCHTITSKI BARO, K. in C.  
Anagram: Biresco, Doctrinâ, Hastâ.

SEtari turbæ quia nobile castra novenæ,  
Omnigenâq; animor' arte polire rudes:  
Tutari ferro, quia res preciosa, paterni  
Jura fori, & sanæ Religionis opes:  
Me fore conspicuum terrâ confido mariq;  
Exsuperaturum mascula facta Ducum.  
Nam mea multiplici doctrinâ pectora limo,  
Potoq; Castalij lumina larga vadi.  
Quin hostes hastâ truculentos, pectore fundam  
Intrepido patriæ monstra nociva cacos.  
Inde *biresco*, duplex sperans diadema, gradivus  
Quod capiti necet MARS & APOLLO meo.  
Præcel-

Præcellsi, voveo, faxit director OLYMPI,  
Immensum dictis pondus inesse tuis!

Illustribus ac Generosis Dn. Dn: JOHAN SIG-  
GISMUNDO, & GOTTOFREDO KAZIA-  
NERIS, L. B. ARGENTINA IN ITALIAM abeuntib:

*προσπετιμὸν:*

Quæ vos ARGYROPU M commovit ab urbe Scholâq;  
Ad patrios gressus causa referre lares?

Nausea fors Dio semper latitare sub uno?

Est: nisi mens falsis ludit imaginibus.

Nonné agmen Comitum, vos nonné corona Baronum;

Nec vos Nobilium detinet ire chorus?

Sed benè, *Nam nimium* (quod lemma est) *vertitur omne*  
*In vitium*: foeret, nî moveantur aquæ.

Ergò bonis avibus, CHRISTO duce, & auspice CHRISTO  
Ferte gradus, tardet nec remora ulla vias.

Felices primùm nativas ite sub oras.

Colloquio illustres exhilarate patres:

Postmodo ad A U S O N I I speciosa palatia Cœli;

GALLICA dehinc celeri pergite claustra pede.

Ad BELGAS bello celebres contendite, & ANGLOS,

Qua TAMESIS virides in mare volvit aquas.

Nacta etenim peregrinando prudentia vitam

Percolit, & mores non finit esse rudes.

Hæc sedenim nunquam regione paratur ab una:

Ite per EOOS; ite per HESPERIOS.

Ite mei memores. Vos JOVA secundet euntes

Ite, viam præeant numina sancta, precor.

B

JACO-

JACOBUS à BRUCK. K. in C. Anagram :  
Curis accubabo.

**S**udabo *Curis* patriæ acq; *cubabo* Themista,  
Horrida commisso pro grege scuta geram.  
Excipit invalidum pastor ceu pervigil agnum,  
Sic pressos BALDI ductibus excipiam.  
Præmia, vel meritos ubi denegat illa colossos,  
Haut moror: Eripiet me THEMIS alma rogo.

MATTHIAS BRUNO AUSTRIA VVELSEN-  
SIS. (Nobilis.) Anagramma Quintuplex.

1. **S**onas venâ; limas virtutibus artes. d. h.
2. **S**Nitor, vis Musis; Laurus te sana beat. d. h.
3. **N**atus amoribus; in te res; vita, salus. d. h.
4. **T**utus Eros; in basia vera stimulans. d. h.
5. **L**ætatus sub AONIS retrahis munus.

Nomina quæ perhibent varijs tua versa figuris  
Eulogia hæc tibi exiguâ transmittere chartâ  
Constitui, pariter lauri de frondibus, imo  
(Luce jubente sacrâ) gratari pectora, baccas.  
*Ritè sonas venâ; dum conficis auribus apta*  
*Carmina mulcendis. Limas virtutibus artes,*  
*Doctrinæ mores dum conformare laboras.*  
Hinc *nitor* es MUSIS, hinc vis validissima, Fallit  
Doctrinâ sese qui profecisse putabit,  
Sit nisi vita ejus morum studiosa bonorum.  
Hinc *laurus te sana beat*, nomenq; perennat,  
(Cùm, quâ cepisti, perges decurrere cursum.)  
Nam minùs ecquis amet tua? quis caput aut maledictis  
Proscindat tenerum? næ *natus amoribus* ipsis  
Cerneris esse mihi, cùm sis affabilis omni. Ocia

Ocia, pulvinar Sathanæ, cane pejus & angue,  
Dum refugis, *res est in te, tum vita salusq.*  
Quod si ita, non dubium, tanti cur dignus amoris.  
Plurima nam patriæ, genitoribus, inde propinquis  
Commoda portendis. Certè es mihi *tutus eros, me*  
*Basiq; in vera stimulans:* dum mentis acuta  
Admirabundus perpendo dona, favore  
Te complectendi justam mihi suggeris ansam.  
Jure *sub Aonijs* eapropter APOLLINE *munus*  
Præsule *latatus retrahis:* quod honoro. Sat isthoc!

M. THOMÆ LAURENTIO VVALLISERO

Ethicæ Profess: Argentin:

**D**um vagor externis hospes despectus in oris,  
Plurima tristitiæ signa capesso novæ:  
Horreo, quæ video; perceptis aure fatigor;  
Inter vix unum millia mille placet.  
Hoc latro cæde solum, furum vel copia, vastat,  
Hæc tellus scortis dedita, at illa gulæ est.  
Hic perversorum trutino fundamina morum,  
Pensito vel turpis retia passa lucro:  
Nonnihil & nostræ delinquent membra cohortis,  
Cui PARNASSIACI credita cura jugi.  
Sed, quia sincerum nihil undiq; ; præstat amatas  
Pervigili studio continuare DEAS.  
Horarum quamvis jacturam sentio, curtas,  
Dissita quas negat heu patria, propter opes.  
Tempora quæ studijs essent tribuenda, docendis  
Exiguo pueris (proh pudor!) ære loco.  
Me tamen haud minimum susceptat APOLLO ministrum,  
Dum duplices fructus hora superstes agit.

B ij

Et

Et licet implumis reliquas quandoq; CAMOENA  
Publica spectatum per loca nostra volat.  
Magnificos Princeps quærendi est causa patronos,  
Et specimen dandi conveniente modo.  
Facit ut festi præsentis conscia charta,  
Argentiniensis gnata quadrima Scholæ.  
Quo, nisi labor, eris placatus munere, vena  
Profundit tremulo quod tremefacta pede.  
Commoda quæ tenui medioxima tempore lapsa  
Sensisti, cornu compleat aura DEUM:  
Eque tuo semper procedant omnia voto,  
Exul eat patrijs pestis acerba focis.  
Occule ne, superest si quæ scintilla favoris,  
Esse magis curæ me patiare tibi.  
Nam beat omnigenâ PHOEBEOS quisquis alumnos  
Commoditate, manet gloria perpes eum.  
Quæ glomerat blatero nullius scommata lancis,  
Deprime, veridicis est adhibenda fides.  
Candida, quæ paucis, nostros mens occupat artus,  
Quo fruor, ætherio provenit axe favor.  
Quocirca puppis studiorum & prora meorum,  
Quod potes, ut præstes, supplice voce rogo.

Gratulatorium in Nuptialem celebritatem JO-  
HANNIS TAUFRETI, Doct: Theol: Pro-  
fess: Argent:

Vincula celsa TRIAS, casti benedicat amoris,  
Conspicui calamis Eloquijq; viri!  
Alma MONAS placidis decurrant coepta quadrigis,  
Molitur Zelo quæ pia virgo pio.  
Agmina conjugio sacrosancta litate recenti,  
Ne subeant tædæ tristia damna novæ.

Hic

Hic locus est votis, Sathanæ quia perfida nuptis  
 Retia calliditas tendere dira solet.  
 Nempe ubi succrescit validis Ecclesia membris;  
 Fervet in infernis dirior ira locis.  
 Stragibus infestat quò quis gravioribus hostem,  
 Hostili veniunt plura timenda manu.  
 Hinc, tibi salvifici curæ quia gloria Christi est,  
 Bella tibi Sathanæ turba dicata movet.  
 Latiùs Hæreticis falsantibus aula patescit,  
 Sincera ductis quàm probitate viris.  
 Stigmate quàm turpi lacerent tua nomina, nôvi,  
 Injiciant famæ crimina quanta tuæ!  
 Despicias immundi cordatus fulmina mundi,  
 Tela θεωνθεωπια fretus amore geris.  
 Ne lupo invadat CHRISTI defendis ovile,  
 Ne pessel simplex, prospicis, erret ovis.  
 Non ideò miror, quo numine femina votis  
 Tam proba proveniat consocianda tuis.  
 Flamme respondet doctus Psalmista supremo,  
 Tanta quòd astriferis elicienda plagis.  
 Conscia devoto suspirat Numina Zelo,  
 Prodit id eximiâ, quam sonat ore, fide:  
 Suspicit ingenuo coelestia pectore, nulli  
 Inferior solidâ stat probitate viræ:  
 Æmula JUNONI meritò est vocitanda, trucidat  
 Affectus, virijs bella probanda movet.  
 Crimina devitat castum temerantia pectus,  
 Fraude, doloq; carens candido amore calet.  
 Præcellit VENERI formæ vultusq; decore,  
 Clarum virtuti dedita nomen habet.

Alluf:  
 ad  
 Molz:

O fortunatam factam Doctore maritam!  
 Hâc fortunatam conjuge teq; virum!  
 Hæc cor amore flagrans rutilante serenat ocello;  
 Tu caput illius, tu decus, aura, salus.  
 Ceu monet officium, quod si, gemitusq; piorum,  
 Cæpta perurgebis codice bella sacro:  
 Omnia cœlestis cornu tibi gratia pleno  
 Suggestet, ac ullâ nullus egebis ope.  
 Sol velut æternum celso rutilabis OLYMPO,  
 De facie ad faciem conspiciasq; DEUM!  
 Nec casum timeo, tibi stat victoria, partis  
 Viribus adversæ prævaluere tuæ.  
 Nec fœdienda solo superum commissa talenta  
 Patre, sed ingenti sunt duplicanda lucro.  
 Fortia consolidat bonitas tibi pectora causæ,  
 Nec finit immeritâ te cecidisse nece.  
 At quia præsentis disconvenientia rhombo  
 Connoto, ad inceptum penna reflecte gradum.  
 CHRISTUS ABRAMÆOS sponsum fortunet in annos!  
 Sponsa JACOBINA prole beata fiet!

EPICEDIUM in obitum PHILIPPI MICHAELIS  
 BEUTHERI Superintend: BIPONTINI.

**E**St exercitui similis sacra conicio, CHRISTUS  
 Dux ubi primus, & hinc Optio Præco Ducis,  
 Quisq; pius, miles; Sathanus, caro, mundus & hostes;  
 Arma, preces: pugnae dona, corona Poli,  
 Tolle sacrata DEO tristes Ecclesia planctus,  
 Plange BIPONTINO subdite civis Héro.  
 Optio qui superæ tibi pandit ad atria sedis,  
 Celsa viam, mortis triste subivit onus.

Coetus



Coetus amicorum tollat suspiria, gnati  
 Flete pij vestri funera moesta patris :  
 Sed fletu patiente tamen, nec ut Ethnica turba,  
 Quæ sua desperat fata, gemitq; malè :  
 Nescia venturis iterum sua corpora seclis  
 Victura, & superis associanda choris,  
 Haud ita, qui CHRISTO dederunt sua nomina, vitæ  
 Spes quibus æternæ mente reposita sedet.  
 Aut nixus CHRISTI merito, fideiq; bacillo  
 Fretus in excelsa sede beatus agit :  
 Sanguinis aut grumos, virgas, flagra, vulnera Christi  
 Equiparat nugis, parvi facitq; necem.  
 Si prout excessit peccato immortua vivis  
 Turba, trahi fletu curia diva nequit :  
 Ast ubi speratæ JESUM colophona salutis  
 Credidit, & sanâ cessit ab inde fide ;  
 Victor in æthereâ tollente triumphat in aulâ  
 Jubila sanctorum Spirituumq; choro ;  
 Respuit ac tristi pro se suspiria corde  
 Mota, nec humanas amplius optat opes.  
 Hinc, nam Zelotes mœrorum valle peregit  
 Veri loquâ CHRISTI, nomine, voce vices,  
 Sana salutiferi vulgando dogmata verbi  
 Tradendo vitæ post documenta piæ :  
 Ede dicata DEO lætos Ecclesia plausus,  
 Plaude BIPONTINO jure regenda manus :  
 Ordo propinquorum, gnati quoq; parcite fletu,  
 Vos quo venturos crepitis, illud habet,  
 Constanti quoniam clausit certamine pugnam,  
 Splendida Christigenûm munera Rege capit.

Sena-

Senatui Urbis

**J**OVA Magistratum sancto pronunciat ore,  
Respectu officij, quod gerit, esse DEUM.  
Is mihi concessit gratis spiracula vitæ;  
Particulam victus addite more pari.  
Quis minus? Excepit quot munera Martia proles?  
Diripuit vestræ quæ ditionis agros!  
Haut ego: pro vestra qui missito in æthera votum  
Religione; focis, conjugibus, sobole.  
Sentiet hinc leve, vel nullum Republica damnum:  
Sin grave, florenis pro tribus octo date!

M. OSEÆ SCHADÆO ad Div: Senior: PE-  
TRUM ARGENTIN: Pastorem,

**S**I mihi NASONIS fueret, vel Vena PROPERTI,  
Quale tibi caneret nostra THALIA melos?  
Nunc solidi lyra nostra nihil cum tinniat: isthæc  
Pauca canit, FESTI pro ratione tui.  
Festi quod faustum, passim gratantur amici,  
Et vario ritu quod tibi ritè sacrant.  
Est aliquis tenero tibi qui de flore corollam  
Nectit, & hanc capiti dedicat ille tuo:  
Sunt qui Sericeis decorant tua Nomina vinclis:  
Non desunt auri qui tibi dona parent.  
Est qui dapnibus tibi mensas instruat Escis;  
Est alijs studeat qui placuisse modis.  
Nullius hæc quisquis momenti dixerit, errat:  
Non etenim offendunt talia dona DEUM.  
Inter at hos quid ego? fert quod cuiq; arca ministrat;  
Ipse feram ingenij munera parva mei.

Pæto-

Pectoris immò pij: Sunt hæc sunt ardua vota;  
Vota quibus superi pondus inesse velint.  
*Præstitit à cunctis quæ te clementia salvum,*  
*Felici ceptum tramite porgat iter:*  
*Annos, judicium, vires, bona nomina fame,*  
*Protrahat in seros haud ruituræ dies.*  
Sic ego: sic quisquis verè tibi semper amicus  
Esse volet, ipsâ junctus amicitia,  
Post illa: placidâ comple dulcedine mentem,  
Plaude, fave, gaude, gestibus, ore, animo,  
Oppiparos esus, ac Cretica vina vocatis  
Prome, præi plausu pocula plena pio,  
Autumo, me nisi mens nocturnaq; somnia fallunt,  
Sic fore: sic etenim lex ratioq; jubent.  
Me tibi convivam posces simul atq; precabor,  
Hæc redeat pompâ splendidiore dies,  
His comperta tuos ubi promeruisse favores,  
Concipiet placidos dicta *Ἰαλεία* sonos:  
Eja tuo dignum Vir me Venerande favore,  
Eja tuâ dignum me fac amicitia.  
At satis est. Hæc si placeant; me plura daturum,  
Carmina, tres tres tres ter tibi juro DEAS!

Dn. M. PAULO CRUSIO P. C. Gymnasiaj  
ARGENTIN: Rectori.

Posteriores solent meliores prioribus esse;  
Erravi, erratum corrigo grande meum,  
Evenit haud rarò Studiosis flebile labi;  
Erratum penitus tollere nolle, nefas!  
Næ metra pacturus nullis authoribus utor,  
Doctrinæ ducibus destituorq; libris.

C

Corri-

Corrige sollicitis defectum flagito votis,  
In me ne lector dira venena vomat,  
Festinus cecidi, posthac, sed cautior ibo:  
*Piscator prudens ictibus esse solet.*

Ad CASPARUM BRÜLOVIUM Poëf:  
Professor: ARGENTIN: pro discipulo.

**P**Romeruit diuturna graves absentia poenas  
BRÜLOVI Musæ fautor amande meæ.  
Nostris exhibitor curis concreditus iram  
Sollicitat flecti voce precante tuam.  
Octiduo charos elapso invisit amicos;  
Sustulit hoc biduum, Musicæ, ut inquit, amor.  
Condone veniam, votis contendo: Futurum  
Spondeo discipulum de meliore nota.  
Classica quod tribui voluit sibi lectio tempus,  
Utile privatam reddidit id studium.

Reipl:  
Argent.  
Mus-  
cus,

C(H)RISTOP(H)ORUS THOMÆ VVAL-  
LISERUS d. a. Anagramma: Suave prout litas  
melos; cor uris.

*M. Christophorus Thoma Walliserus; d. h. anagram:  
Servor solùm arte politus Musicâ.*

**B**ellica qui celebrant patriæ tormenta potentis  
Repperias, triplices muros, fossasq; profundas,  
Aptaq; crudeli juvenilia robora MARTI,  
Esse quid, haud dubito. Verùm modulante CAMOENA  
Nocte dieq; tuâ longè speciosius isthòc  
Profilit Elogium, atq; augustior exit OLYMPO  
Gloria. RHENANI testis venit accola tractus,  
Subscribit VIADRUS NICRO, nevé abnuit ALBIS,  
ISTER

ISTER erit testis, BOIUM MOLDAVIA testis.  
Nec, cui mica falis, negat hoc, sed id approbat ipsum,  
*Suave prout melos arte litas, cor scilicet uris.*  
Jure proin proprio proclamas; *arte politus*  
*Musica in hac solùm servor.* Proh vate beatam  
Te patriam! Procul hinc te nescia namq; ruinæ,  
Sospite splendescet. Renuit nec APOLLO sacratâ  
Arce sedens, sic est; sic est, ait, infit & ipsa  
Blandula MELPOMENE, Spernas ne fortè tenellæ  
Applausus, rogitò, Præceptor amande, *Ἰαλείας.*

Ad ANDREAM VIGILIUM Superintendentem  
Neunpürgensem (ad Gabret. Boh:) discessurum.

**P**erfudit dubiam nuper dulcedine mentem,  
Pacificum VIGILI dictans te nuncia Myrtam.  
Quanta salutiferum rotat inconstantia fidus!  
Quanta propinatum rapit inclementia nectar!  
Vah dolor! Unius quò delectamina mensis?  
Plena movet gemitus nocuis mutatio damnis.  
O utinam eventus reprehendat falsa profatum!  
Insignem pietas quoniam tibi pervia famam  
Parturijt; (præsens reprobæ medicina catervæ  
Nec non canitiem decorans diadema senilem)  
Te mea mansuro haut timuisset cymba charybdin.  
Spes ruit; ut fuscâ mugit Discordia veste!  
Aurea collegas quòd si Concordia necdet,  
Materies lacrymis evanuit apta ciendis,  
Alite sed, fati de jussu, vade secundo,  
Munia capturus longas recreantia curas.  
Coelica fortunet discessum gratia, Livor  
Densa tuos propter figat vestigia gressus.

Nemo tui posthac; **IRI** miseretur egeni:  
Scin? *Procul à Codris livor, miseratio Crassis.*  
Tum licet aspectum sublato corpore fallas,  
Unita est validis animam conjunctio vinclis,  
Semper honora tui nostris immixta loquelis  
Mentio, vitiferâ donec tu vesceris aurâ,  
Exsurget. Patrem ut præstes, tibi filius asto.

Dn. M. **VVENCELIO** Theolog:  
disputanti.

**H**æresiarcharum quas conjuratio finxit,  
Confutasse plicas, aurea puncta meret.  
Aurea cuncta meres; gentis quia dogmata pravæ  
Prava, **DEI** verbo discutis, ense velut.

*EIDEM.*

**THEIOLOGIA** Fide nos fert **PAULINA** beandos,  
Atq; vel **ANGELICIS** fert Anathema choris,  
Si quicquam contrâ. Contrâ tamen impius **Anti-**  
**CHRISTUS**. An impune? Cur? Quia major ijs?

**M. ZACHARIÆ TAUFRERO.**

**S**ævos, omine perditos,  
Telis, ignibus altum furiens, alit  
**MARS** suavi **ALSATICUM** solo,  
Præmonstrans spolijs climata, milites.  
Præfecto **AONIDUM** pari  
Docti consociantur modo **APOLLINI**.  
Discrimen, bone **Zeu**, quod est!  
Nam castris sub iisdem latitant simul:  
Miscetur Polus in solo  
Bellis: **MARS** jacet exul quoq; sæpius. **Vah**

Vah cautum Ducem APOLLINEM!  
Vastantem nihil, haud sanguineo impetu  
Spumantem! ARGYROPEN, duce  
Hoc tutam! Nihil spicula! candidos,  
Quorum profilis agmine,  
Tanto belligerantes duce milites!

Dn. GEORGIO SCULTESIO, Superintendenti  
NEUBURGENSIVM: (in Archi-Palatin:)

Salve SCHULTESI Christianæ buccina pugnae,  
Et data THESEO famina conde sinu,  
Est mihi cura Scholæ, sancti tibi credita templi,  
Laudis onusta tibi, compta labore mihi.  
Suspicio titulum Seniorum lege, cedroq;  
Consigno dignis munia tanta legis.  
Cedat in astrificis laudes: Ecclesia, nec non  
Privi decerpant emolumenta lares.  
Particulam genitale solum quia postulat ortus  
Nostri, particulam cum Genitore, DEUS:  
Concessos mentis divinitus exere nervos,  
Sacra salutarem Curia poscit opem.  
Patria quæ vitæ concessit lumina, victum  
Concedet, summo donec honore cluas.  
Perfida speratos renuit si factio fructus,  
Astrica millecuplas aula redhostit opes.  
Ossa vacillabam gaudi liquefacta calore,  
Primitus ut tibi pes fixus in æde sacra est,  
Biblica quandoquidem nostri magnalia, calles  
Exactè Sophici tum monimenta fori:  
Hinc surget medicina meis adhibenda lacunis:  
Alter ab alterius quippe levandus ope.

Nec sanè, fraudum fucos exosus, adulator  
Auribus; Eloquij consona sensa meis.  
Vergat <sup>egis</sup>, blandum patefac concordia vultum,  
Discidij <sup>es noxanas</sup> semine quisquis ovat,  
His, pro re natà, tibi grator honoribus aucto;  
Si placuisse tibi sensero, sufficiet.

*Eidem aliud, in quo allusum ad Nomen GEORGII*

**P**Roles rustica præparando campos,  
Verno fidere, proximavit ardor  
Cum PHOEBI, variæ simul, farinae  
Ruris climata surculis obumbrant:  
Quorum fructibus assolebat olim,  
Nec desuescit adhuc ADÆ propago.  
Defessas cata roborare vires.  
Nomen provenit hõc modo GEORGII,  
Quo, fautor, quoq; tute nuncuparis.  
Discrimen tamen obvenit vel ingens,  
Inter te, reliquosq; glebitribas,  
Conquirunt stomachis ij necessa,  
Fulciri quibus artuum patescit  
Structuram: at policae frutex cathedrae,  
Vallem mœstitiæ, quietis almae  
Mutat planitie, flagrante dudum,  
Circa quod pius occuparis œstro  
Semen, codicibus sacris petitum.  
Coenofas subigunt deindè glebas;  
Agri pectora sunt proterva Mystis.  
Adjumenta locant ijs secures,  
Currus, flagra, boves, aratra, stivæ:  
Instrumenta Sacris dicata linguae  
Sunt vobis, ope qualium tonatis,  
Afflatu superum quod imbibistis.

Tellus



Tellus stercore pinguefacta prodest;  
Verùm pectoris arva gratioſo  
Disponit tripotens MONAS favore.  
Mercedis vice pauculum capeſſunt  
Aeris ruricolæ, foro reponunt  
Venales, nive ſi cadente, fructus:  
Circa ſeminium ſed occupatos  
Devotâ pietate ſacro-ſanctum,  
Æquari radio, refert Propheta,  
Solari per aſyla ſeculorum.  
Nec rarò furor ille grandinoſus  
Mortali creat anxias catervæ  
Ærumnas, ſagra quando carioris  
Annonæ feriunt amica avaris:  
Jacturam patitur calente nullam  
Præconum integritate candidorum  
Semen per loca ſancta diſſipatum,  
Proventu remeat ſed ampliori.  
Hoc vitæ genus eligunt & ipſi;  
Tu juffus ſtatui præſ ſacrato,  
In damnum Sathanæ, DEIq; laudes.  
Rebus nomina convenire, clarum  
Exemplo liquet hîc tuo probari.  
Culturam benedic JEHOVA tanti  
(Quod voti caput unicum) colori:  
Quin morbis SCYTHICAS procul paludes  
Expulſis ſenij triumphet Oſtro,  
Ut fiat, furor urget impiorum,  
Electæ fabricans dolos coronæ,  
Plutonis rabies, throni ſtupendum  
Divini decus, omnium ſaluſq;

M. STA-

M. STANISLAO HORLERO,  
LEUCO-HUNGARO.

**M**Arte gravis, gestis vastum celebrata per Orbem,  
Nec non Christiani firma columna gregis  
**HUNGARIA**: exhaustæ regionis provida nutrix,  
Terra potens auro, frugeq; terra potens.  
Sed tamen arte minor, titulisq; Scholaribus. Atq; hanc  
**TEUTONIS** ora tibi præstat amica vicem.  
*Par* quia nempe *p*ari. Namq; ut **GERMANIA** per Te  
Tuta: per hanc sic & tu quoq; Docta clucs.

A	uri quanta fames! pro	H! argenti quanta volupta	S!
N	ec quisquam in prec	I o, cui nisi pingue ver	V!
D	um mirabundus studio	S ius hæccé volut	O,
R	idendo, pectus con	C utit ossa meu	M.
E	jecta è terræ gremi	O foedissima gleb	A,
A	spice materia est; e	N mala quanta, cie	T!
S	urge MYDA ô opulente &	G azis CRASSE superb	E,
R	umpe moras opibus cu	R capiare refe	R?
O	stolide, ut VENUS est m	A culâ non absq; sine hac non	N
E	st quoq; forma auri! S	T ercus amas! Fatuum	O!
R	upta MYDÆ vita est a	V re, & CRASSI. Meritò ergò hi	C
E	st felix, auro, & qui va	L edicit hum	O!
L	uce sacrâ his tibi faust	A! cape ô tu gaudia, si ve	L
I	lia disrumpan	T livida turba, cap	E!
V	ive tuis columen, mihi amic	V s, viveq; fauto	R:
S	ic dignus fuer	R is tuq; favore me	O.

JOHANNI CAROLO ROSENBERG

Metaphys: disputanti: (jam Doct.: Med:)

**R**eginam prisca PRIMAM dixere SOPHIAM;  
Felices ejus quotquot adussit amor!  
Gnavus ovat palmâ; ceu mergitur erro CHARYBDI,  
Reginam statio quæ propè, tuta magis.

Hâc

Hâc duce versutos potis es superare Sophistas:  
 Hâc duce PHILOSOPHIS æquivalere vales.  
 Hâc duce felici gelidæ per fulmina mortis  
 Impete perrumpis. Num tibi plura precer?

In PAULUM SWEND: NOR:

**C** Armine maectatus PAULUS, mihi reddere paulum  
 Decevit, posset cum potiora dare:  
 Quærenti causam, responsum est: plura dedissem,  
 Ni mea ZWINGLICOLIS nomina juncta forent.  
 Ast ego cum placidis peramanter gestio scribi:  
 Fructifera haud merces invida lerna tua est!

H ic, vir ubi certa	M en asrox, hostileq; , fort	I,
I ngrediens animo	V alidâ vi concutit arm	A,
S anguinis effusi no	N, cædis, amoreve nome	N,
A eternum at vigeat, n	V llo quoq; concidat æv	O:
N on nisi prælustis	S udoris adorea fertu	R.
D ux etenim quocunq; vo	C at, comparet amor	E
R elligionis, amic	O rum, subolisq; calent	I.
E n tibi, finito bel	L i certamine lume	N,
A ccipe, sedorum	L oquitur, spolia; ista JEHOVAH.	
S uggessit nobis,	A quo victoria tant	A.
R espicit oblati, ges	T itq; domestica prospe	R
O cius affari part	V mqs; ostendere. Sed qui	D?
E s duce qui PHOEBO	M iles præsentè Lycè	O,
R es tractans donis di	G nas; te cura labor ne	C
E jiciunt stadio, pat	R iæ modò pectore cult	O,
L ucida retromees	A d mœnia. Pergito præsu	L,
I ugiter, AONIDUM, fa	T ur; dextrâq; , perenn	E
V irtutis, doctrinæ	O rnementumq; locatu	R.
S urge igitur, prope	R ans vultu cape dona seren	O.

D

Dn.

Dn. ELIÆ LIMMERO, Pastori in Ursen solen  
celebranti Nuptias : præfiscinî!

**E**Cquæ cervicem damnorum sarcina curvat?  
Quid solitum placido porgere vela salo  
Delitijs juvat invisam contingere SYRTIM?  
Nubila tranquillo quæ ciet aura polo?  
Pacta tibi festæ celebrari gaudia tédæ  
Prodit in-ambiguis littera missa notis.  
Præstitit annonæ nunquid clementia robur?  
Proxima solivagus num pavet arma thorus?  
Cœlificis peragi jussu profitebere: quid si  
Conscius effecti solis uterq; gradus?  
Conjugis ad stratum belli nec habebis asylum  
Tempore, quippe rudis ferrea tela pati.  
Prolis amore jugo necti patiére marito?  
Res labyrinthicis æquiparanda plicis.  
Pone, quod excrescant lumbis, pia germina, palmæ,  
Ac oleam referat collaterale decus:  
Myriades prægnans utero quot mole dolorum;  
Plaustra tot à partu bajulat aucta malis.  
Quin etiam cunis (oculatus reffero testis,)  
Postponi certum est non sine bile preces.  
Filia cum flagrat vetito seu filius æstu,  
Quanta molestabit sollicitudo caput!  
Ut premet hæredes rixarum theca simultas!  
Vapulat ut falsis posthuma turba jocis!  
Ut taceam M U S I S turbasq; morasq; creari:  
Veriloquo fieri quod probat ore P L A T O.  
Stringitur opprobrijs alieno subditus æri;  
Hâc cruce conjugij pars cecidit nunqua vacat?  
Exilio plecti fingas Ecclesiam, ô quàm  
Tempora, sed serò, non reparanda gemes! Æmu-

Æmulus IDALIAM vultus ubi conjugis æquat,  
Prostabunt vili claustra pudicitia.  
THERSITEM præfert ecquando ferocia formæ,  
Fel, aloë, venis sunt alimenta tuis.  
Afflua dotali tollet si munere cristas,  
PAMPHILUS ad thalamum, cætera DAVUS eris.  
Ocyus æquoreas graphio numerâris arenas,  
Fulmina conjugibus quàm nocitura pijs,  
Qui sapit, impelli tardat; mihi cautio, proinde  
Decipiat, stupeo, costa quot illa viros!

*Carmen hoc feci Rector Scholæ Neunburgensis, additâ  
responsione alibi excusâ.*

In Album EMERICI HELMRICI FRISII;  
versus omnes adæquales:

INsero versus tenui MINERVA  
Conditos, mentis niveæ sigillum;  
Optimè nostri relegens memento,  
Suavis ORESTES,  
Fallitur mercans laqueis, revendens  
Pascitur technis, redeunt lucello  
Perdito, lusi rabido latrone  
Fure clepente.

DARDANÆ quicquid retinunt CAMOENÆ,  
GRAIÆ quicquid CHARITES ministrant,  
Codices quicquid referant HEBRÆI,  
Pectore condis.

BATTAVOS, GALLOS, ITALOS, BRITANNOS,  
Plurimi visunt, animo notandi  
Gentium moros; remigrant asello

ARCADE vecti.

D ij

Imbi...

Imbibis mores superis probatos,  
Integros labis, pietas potita  
Imperii sceptro vitij coarctat

Pascua pravis.

Maximus quæstus probitas, dicatis  
Cælitus posthinc placidè fruisi,  
Approbas factis; Aquilæ proinde

Æva mereris.

FRISIUM quando reducem capesset  
Natio, dotes aperit salubres,  
Patriæ curans proprio potentis

Commoda Marte.

JOSEPHUS SCHÖRBAUM (Argentinas)  
per Anagram: Charus PHOEBO, MUSIS.

EST ita: constanti si quem dignamur amore,  
Arte vel impulsu, vel probitate piâ;  
Ipsius ad placitum componimus omnia, nutu  
Commoniti promptas offerimusq; manus:  
Sic Charus PHOEBO cum sis, charus quoq; MUSIS,  
Quas gerit in gremio PHOEBUS-APOLLO suo:  
Admirer tantos tibi cur designet honores,  
Invè corona isthac cur velit esse locum?  
Haudquaquam. Magè sed novies deciesq; beatum,  
Et ter felicem te mea MUSA canit.  
Quid mihi? pectus iners, titulos nervisq; merendi  
Exhaustum, dubium quo mea cymba fluct.  
Hæc utut ingenio pulsâ ferrugine nostro,  
Excussis fumis pectoribusq; procûl;  
Quæ negat hora mihi præsens, fors præmia cornu  
(Annue PHOEBE!) sequens sat locuplete dabit.

M. TO-

M. TOBIÆ TAUFRERO.

**L**ABA CUM genitrix, per-amœna TUBINGA CAMOENAE  
Formatrix, alitrix contigit ARGYROPE.  
Judice te, rogo, nôsse velim dignissima quæ sit?  
Judicio peropu' est: gnavus ubiq; labor,  
Proxima Dijs medio virtus; decerpit honorem  
Ultimus & primus, te referente, parem.

MATTHIÆ WOLFFERO, hospiti Argentin:  
vulgò zum Spanbett.

**D**ulcicolæ spondam qui conscendisse puellæ  
Tentat, ubi VENERES, suavia, lusus, amor,  
Huic oculis opus est fulvo turgentibus auro;  
Si nihil attulerit cogitur ire foras.  
Sic quicumq; tuam cupiet conscendere spondam,  
Quæsitum genio mattya bella suo:  
Ille vel ære carens, jejuno ventre redibit,  
Debitor aut posito pignore vincetus erit.  
Alludam quorsum dictum satis est sapienti:  
Isthic servanda est, hîc religanda fides.  
Quas se conjecit pernox fugitivus in oras?  
Promissis CROESUS, rebus at IRUS inops.  
Est satius præsentem fidem servasse periclo,  
Perdere quàm lepidi spe placidiq; boni.

Dn. CHRISTOPHORO KERN in album.  
**F**RANCICA dum propero lustrare palatia frater,  
Ut tua sit curæ vis philotheca mihi.  
En tibi, cui dudum concessi habitacula cordis,  
Spontè manum, nomen, signaq; pono libro.  
Ut visus dubitare meo de pectore, posthac  
De nostra possis certior esse fide.

Viximus unanimes veluti par nobile fratrum,  
Sicut amicitiae lex veneranda jubet,  
Corporis obscurat quamvis absentia, nunquam  
Munia sinceræ tollet amicitiae.  
Dulcia durabunt diva-virtute, ruinae  
Proxima sunt pravis, foedera pacta viris.

Ad Dn. JOHANNEM BREGENZERUM  
praefectum Archiducalem Leopold: Argentin:

**A**udin' MUSA? meum reverendâ mente patronum  
Visito, coelipotens sit comitissa TRIAS.  
Hospitij experiere fidem, prout ambigo nullus,  
Illius introiens hospes amica domum,  
Unde venis? quæret: Nova quæ? Quò tendis? At illi  
Paucula ferre feres nomine jussa meo,  
Ne verò irrumpas audax, millena salutum  
Pondo feras, lassos postmodo siste pedes:  
Ac, ubi quantillâ fueris statione refecta,  
Ipsi hos prælato concine honore sonos,  
Muneribus, laudi duxit, pugnare vetustas,  
Præterito veteri, cum novus annus adest,  
Dona proinde tibi conferre deceret: Et ipsa  
Nominis exposcunt festa sacrata tibi.  
Serica vincla petis? Mercator at exigit aurum:  
Servia plexa placet? Ver procul, instat hyems,  
Pondera delectant fulvi pretiosa metalli?  
IRI non CROESI nomine nempe vocor,  
Lautitias genio, generosavè musta reposcis?  
At nimios potus sobria vita negat.  
Ingenij effectum præstantis? at herba refectu  
Immatura: feret fertilia seges.

Quo-



Quocirca quia se spoliatum munere quovis  
Spectavit, votum pangere constituit.  
Te, prout elapso super alta cacumina OLYMPI,  
Tempore splendentis, nutriit almus amor:  
Excipiat posthac idem, foecundet opimâ  
Prosperitate gradus, fertilitate domum.  
Jurgia abeste procul, tremebunda faceffite bella,  
Quodq; eat ex animo numinis auspicio,  
Pestiferæ labes, & noxia damna caduntô,  
Exfuntôq; tuâ tela nefanda domo.  
Hæc pepigit tibi vota: dedit quâ suscipe mente;  
Queis sic susceptis, (nam dubitare nefas)  
Poplite curvato grates me iussit habere,  
Quæ responsa? feram: quippe petit cupidus!

JOHAN: CHRISTOPHORO REICHARDO  
Argentina WITBERGAM discessuro.

Dum properas celebres LUTHERI voce Cathedras  
Spectatum, res est digna favore meo.  
Fundamenta tibi felici jacta MINERVA,  
Sunt, puto, condendis ædibus alta fatis:  
Est, quia languescit morum plerumq; proborum  
Cura domi, externis est acuenda locis.  
Noxa gravis totos itidem latitare per annos,  
Elevat ingenium se vel ad astra bonum.  
ARGYROPE iccirco ALSATICÆ regionis ocelle,  
Pupula dum migrat, suavis ocelle, vale.  
Egreditor faustus turbâ præeunte sacrorum  
Spirituum, notas ingreditorq; plagas.  
Montibus affixam primùm spectaveris aulam,  
Jura PALATINUS Dux ubi justa tenet.

Claustra

Claustra MOGUNTINÆ sedis per-amœna videbis,  
 Cui sacer Elector JAN SÜIGARDE præes.  
 Hinc FRANCOFURTI dextrorsum mœnia cernes,  
 Totius ALMANJÆ Nobilis Emporij  
 GIESSA potens studijs, Musis celeberrima GIESSA,  
 Nec MARPYRGA procûl, dum via, vise, brevis.  
 Inclita MISNIA CIS postremùm LIPSIA terris  
 (MERCURIUS PHOEBO junctus, & alma VENUS  
 Sceptra ubi participant) fidei mihi credito testi  
 Ingenuæ ingenuo, lumine digna tuo est.  
 De qua prædixi, tandem gradieris in urbem,  
 Dicitur AONIO quæ WITEBERGA choro.  
 Illic quæ pietas superis gratissima, quæq;  
 Perficies, probitas jussa sequenda dabit.  
 Præsentem affirmo te conditione beatum,  
 REICHARDE ô patriæ sanguinitatis apex.  
 Jubila venturo WITEBERGA sonabit in anno,  
 Dulceq; LUTHERO laudis aroma feret,  
 Seclum est, impuro valedicens pura Papismo  
 Cum Verbi cepit verba docere DEI.  
 Cujus participem festi te sentiet; ejus  
 Extiteris siquidem portio grata Scholæ.  
 JOVA secundet iter; discessum MUSA secundum  
 Dum vovet, ecquid habet? JOVA secundet iter.

Fragment: Carmin: ad Nobil: M. MATTHIAM  
 BRUNONEM.

**E**ffe Poëtarum mendacia cara feruntur;  
 (Conciliant si quam lemmata trita fidem)  
 Me plus mentiri sexcentis posse Poëtis  
 Confido, precij nil tamen indè traho.  
 Vera nec effatus quicquam profecero, gignunt  
 Materiam litis, liti inimicus ego. &c.



Sphalmata Typographica, cola, commata, &c.  
ita corrigantur.

**F**oetus Exil: quarti: philurā. 1. columna. 1. linea. 20. olim, ad-  
de Ecclesia. col. 2. l. 11. quot. l. 15. opus, l. 27. minusculum col. 3.  
l. 20. nec, col. 4. l. 13. charismata. l. 21. signari, col. 7. l. 13. concor-  
det, col. 8. l. 3. nata. Phil: secunda. col. 1. l. 1. tineis. col. 4. l. 22.  
init. col. 5. l. 10. ferens, l. 13. sperare. col. 8. l. 11. servitj. Phil:  
tertia. col. 4. l. 21. sancta. col. 5. l. 21. quog, col. 8. l. 10. poetica, ad-  
de, punct: vates, dele comma. l. 19. distichon?

Fæt: quinti, philur. 1. col. 1. l. 22. olim adde, Ecclesia. col. 5.  
verò, sine accent: l. 25. neçtet. Philur: secunda. col. 3. l. 1. Tang-  
lymiensi. col. 4. l. 29. priori, pone comma, júbila, dele comma. col. 3.  
l. 17. sacra, adde, sacra l. 19. at.

Foetus Exil: Sext: Philur: 1. col. 3. l. 14. nulla. col. 7. l. 7.  
BARO. Philur. 2. col. 2. l. 19. pectore. col. 6. l. 25. Satanas. Phi-  
lur. 3. col. 8. l. 12. puncta. Philur. 4. col. 2. l. 31. Ecclesian.




Sphärische Typographica, oder  
die Conjunctionen

Die erste Seite: die vier ersten Columnen, 1. bis 4. Col.  
Die zweite Seite: die vier ersten Columnen, 1. bis 4. Col.  
Die dritte Seite: die vier ersten Columnen, 1. bis 4. Col.  
Die vierte Seite: die vier ersten Columnen, 1. bis 4. Col.  
Die fünfte Seite: die vier ersten Columnen, 1. bis 4. Col.  
Die sechste Seite: die vier ersten Columnen, 1. bis 4. Col.  
Die siebente Seite: die vier ersten Columnen, 1. bis 4. Col.  
Die achte Seite: die vier ersten Columnen, 1. bis 4. Col.  
Die neunte Seite: die vier ersten Columnen, 1. bis 4. Col.  
Die zehnte Seite: die vier ersten Columnen, 1. bis 4. Col.

Die elfte Seite: die vier ersten Columnen, 1. bis 4. Col.  
Die zwölfte Seite: die vier ersten Columnen, 1. bis 4. Col.  
Die dreizehnte Seite: die vier ersten Columnen, 1. bis 4. Col.  
Die vierzehnte Seite: die vier ersten Columnen, 1. bis 4. Col.  
Die fünfzehnte Seite: die vier ersten Columnen, 1. bis 4. Col.  
Die sechzehnte Seite: die vier ersten Columnen, 1. bis 4. Col.  
Die siebenzehnte Seite: die vier ersten Columnen, 1. bis 4. Col.  
Die achtzehnte Seite: die vier ersten Columnen, 1. bis 4. Col.  
Die neunzehnte Seite: die vier ersten Columnen, 1. bis 4. Col.  
Die zwanzigste Seite: die vier ersten Columnen, 1. bis 4. Col.

Die einundzwanzigste Seite: die vier ersten Columnen, 1. bis 4. Col.  
Die zweiundzwanzigste Seite: die vier ersten Columnen, 1. bis 4. Col.  
Die dreiundzwanzigste Seite: die vier ersten Columnen, 1. bis 4. Col.  
Die vierundzwanzigste Seite: die vier ersten Columnen, 1. bis 4. Col.  
Die fünfundzwanzigste Seite: die vier ersten Columnen, 1. bis 4. Col.  
Die sechsundzwanzigste Seite: die vier ersten Columnen, 1. bis 4. Col.  
Die siebenundzwanzigste Seite: die vier ersten Columnen, 1. bis 4. Col.  
Die achtundzwanzigste Seite: die vier ersten Columnen, 1. bis 4. Col.  
Die neunundzwanzigste Seite: die vier ersten Columnen, 1. bis 4. Col.  
Die dreißigste Seite: die vier ersten Columnen, 1. bis 4. Col.







ULB Halle  
002 677 830

3



56

Nv 1999


(1/69.)

VD 17









B.I.G.

Farbkarte #13

LI SEXTUS  
 mens  
 EMATA  
 n adolescentia facta;  
 a, aut refecta:  
 ENTIBUS  
 OLE, SPE,  
 SIMIS  
 BÖRSTEL,  
*Magnifici Viri*  
 I BÖRSTL.  
*ipis ac Domini,*  
 I Senioris, PRIN-  
 NI, COM: ASCAN:  
 BURG I, Præsidentis &  
 editarij in GÜSTEN  
 I: FILIO,  
 NON  
 AB ERLACH.  
*rtissimi Viri,*  
 B ERLACH: Equi-  
 AUDATISS: Consilia-  
 editarij in Altenburg, &c.  
 ilo carissimo;  
 TUS  
 clesie Pöllingensis in Palat:  
 unc Exule. P. C.

.M. DC. XXVIII

